

Hebritowo fe agbalē

Vi la kɔ wu mawudɔlawo

¹ Le blema la Mawu fo nu na mia fofowo zi geḡe to mɔ vovovowo dzi to Nyagblɔḡilawo dzi.

² Ke le ŋkeke mamlɛtɔ siawo me la, efo nu na mí to Via si wòtia be wòanye nuwo katã fe domenyila la dzi, ame si dzi hã wòto wɔ xexea me.

³ Vi la klēna kple Mawu fe ŋutikɔkɔe. Enye ame si ḡe Mawu fe nɔnɔme tututu fia, eye wòna agbe nuwo katã to efe ŋusēnya la me. Esi wòkɔ nu vɔwo ḡa vɔ la, enɔ anyi ḡe Mawu fe nuḡusime le dzifo.

⁴ Ale wòkɔ sãa wu mawudɔlawo abe ale si ŋkɔ si wòtɔ nyi domee la kɔ wu wo to sãa ene.

⁵ Elabena mawudɔlawo dometɔ kae Mawu gbɔ na kpɔ be,

“Wòe nye vinye;
egbe mezu Fofowò”?

Alo wògagblɔ na ḡe be,

“Manye fofoa,
eye eya hã anye Vinye”?

⁶ Eye esi Mawu ḡo via ŋgɔgbea ḡe xexea me la, egblɔ be,

“Ele be mawudɔlawo katã nasubɔe.”

⁷ Mawu fo nu tso efe ḡɔlawo ŋuti be,

“Ewɔ efe ḡɔlawo abe yafofowo ene,
eye efe subɔlawo abe dzo fe aḡewo ene.”

⁸ Ke egblɔ le via ya ŋuti be,

- “O, Mawu, wò fiazikpui anɔ anyi tegbetegbe,
eye dzɔdzɔnyenye anye wò fiadufe fe tsi-
amiti.
- ⁹ Èlɔ dzɔdzɔnyenye, eye nèle fu ɲutasesē, eya
ta Mawu,
wò Mawu la tso wò ɔo tefe kɔkɔ wu
nɔviwòwo katã to esia me be
etsɔ dzidzo fe ami la si na wò.”
- ¹⁰ Egagblo be,
“O Afeto, le gɔmedzedzea me la edo xexea me fe
gɔmedokpe anyi,
eye dzifowo hã nye wò asinudɔwɔwɔ.
- ¹¹ Woatsrɔ, gake wò la, ànɔ anyi,
wo katã woanyunyo abe awu ene.
- ¹² Ànlo wo abe awu ulaya ene,
eye aɔe wo ɔi abe awu si wodo la ene,
ke wò ya la, ànɔ nenema, màtrɔ o,
eye wò fewo hã mawu enu akpo gbede o.”
- ¹³ Mawudɔla kae Mawu gblo na kpo be,
“Bɔbɔ nɔ anyi ɔe nye nuɔusime va se ɔe esime
mawɔ wò
futowo woazu afɔɔɔdzinu na wò”?
- ¹⁴ Ekema nu kawoe mawudɔlawo nye? Wo katã
nye gbɔgbɔ siwo subɔa Mawu, eye Mawu ɔɔa
wo be woakpe ɔe ame siwo anyi ɔeɔekpɔkpo fe
dome la ɲuti.

2

Nuxɔxlɔ amewo hena toɔɔo

- ¹ Esia ta ele na mi be miadɔ to nyatefenya
siwo katã miese la nyuie, ne menye nenema o
la, miate ɔa xaa tso nyatefe la gbo.

² Ne gbedeasi si mawudɔlawo gbɔ la nye nyatefe, eye edzidalawo kple ame siwo meɔ toe o la xɔ tohehe si wodze na la,

³ aleke míawo ya míawo asi le enu ne míegbe toɔɔɔ dɛɛnya gã sia? Dede sia si Afetɔ la nɔto dɛ gbefãe zi gbãto la woɔ kpe edzi na mi to ame siwo ɔtoe la dzi.

⁴ Mawu nɔto hã ɔto kpe wofe ɔasediɔ dzi to dze siwo, nukunuwo kple nukudo vovovowo dzi, eye wɔna Gbɔgbɔ Kɔkɔe la fe nunana amewo le ale si wɔlɔ nu.

Yesu nɔ ame fe nɔnɔme me

⁵ Mawu metsɔ mawudɔlawo ɔto dziɔdulawoe na xexeme si ava va esi nɔti míele nu fom le o.

⁶ Ke ame aɔe gbɔ le Psalmowo fe agbalẽ me be,

“Nu kae nye amegbetɔ be nèbua enɔti,
eye nu kae nye Amegbetɔ Vi be nèléa be nɛ?”

⁷ Èwo wo wobobo dɛ anyi vie wu mawudɔlawo,
ètsɔ nɔtikokɔe kple bubu ɔto nɛ abe fiakuku ene,

⁸ eye nètsɔ nu sia nu de efe afo te.”

Esi Mawu tsɔ nu sia nu de efe dzikpɔkɔ te la, meɔ naneke le eme o. Gake fifi laa la, medze abe nu sia nu le efe dzikpɔkɔ te ene o.

⁹ Míekpɔ Yesu, ame si wowo wòɔɔɔ vie wu mawudɔlawo, ke fifia la, woɔ bubu kple nɔtikokɔe fe fiakuku nɛ, elabena ekpe fu yi dɛ ku me ale be to Mawu fe amenuveve me wòaxo ku dɛ ame sia ame nu.

¹⁰ Dɛko wòle etefe be Mawu, ame si wo nuwo katã, eye wòlé nuwo katã dɛ te la nawo

Yesu blibo to fukpekpe me be wòakplò vịnutsu gedewo ve woakpò gome le efe ńutikòkòe me, elabena Yesue kpò wo yi dẹdẹ la gbọe.

¹¹ Ame si wọa amewo kòkòe kple ame siwo wowò kòkòe la katã nye fome dẹka me nọlawo. Eya ta mekpe ńu na Yesu be wòayọ wo be ye nọviwo o.

¹² Egblo be,

“Maḡe gbefã wò ńkò na nọvinyewo,
madzi wò kafukafuhawo le ameha la
ńkume.”

¹³ Egagblo be,

“Maḡo dzi dẹ Mawu ńu.”
Eye wògagblo be,

“Nye kple vi siwo Mawu nam la míele afii.”

¹⁴ Esi dẹviawo nye ńutilã kple ou ta la, eya hã kpò gome le wofo amenyenye me, ale be to efe ku me wòatsrõ ame si si ku fe ńusẽ le, ame si nye Abosam,

¹⁵ eye wòdẹ ga ame siwo zu kluviwo to vovõ na ku me le wofo agbemenkekewo katã me.

¹⁶ Le nyatefe me la, menye mawudolawo ńue wòkpe dọ o, ke boń ekpe dẹ Abraham fe dzidzimeviwo ńu.

¹⁷ Le susu sia ta wòle be woawọe wòanọ abe nọviawo ene le go sia go me, ale be wòava zu nunolagã, nublanuikpọla kple nutefewọla le Mawu fe dọ me, eye be wòaxe fe dẹ amewo fe nu võwo ta.

¹⁸ Esi wònye be eya ńuto kpe fu to tetekpò me ta la, ete ńu kpe dẹ ame siwo tem wole kpò la ńu.

3

Kristo nye gã wu Mose

¹ Eya ta nɔvinye kɔkɔewo, ame siwo kpɔ gome le dzifo fe yɔyɔ la me, mida miafe susuwo de Yesu, apostolo kple nunɔlagã, ame si me mievu la dzi.

² Ewo nutefe na Mawu, ame si tiafe abe ale si Mose hã wo nutefe le nuwo katã me le Mawu fe afe me la ene.

³ Abe ale si ame si tso afe nyui afe xɔa kafukafu wu afe si wɔtso ene la, nenema kee Yesu hã dze na bubu wu Mose.

⁴ Elabena afe de sia de la, ame adee tsoe, gake Mawue nye nu sia nu wɔla.

⁵ Mose nye dɔla nutefewɔla le nuwo katã me le Mawu fe afe me, nu sia di dase le nu si Mawu ava gbɔ emegbe la ɲuti.

⁶ Ke Kristo nye viɲutsu nutefewɔla de Mawu fe afe dzi, eye miawoe nye Mawu fe afe la, ne mielé dzidefo kple mɔkpɔkpɔ si me míefoa adegbe le la me de asi.

Nuxɔxlɔ de dzimaxɔse ɲuti

⁷ Eya ta abe ale si Gbɔgbɔ Kɔkɔe la gblɔe ene be,

“Egbe ne miese efe gbe la,

⁸ migasẽ miafe dziwo me abe ale si miwo le miafe aglãdzedze me, le ɣeyiɣi si me mieto dodokpɔ me le gbedadafo la ene o.

⁹ Afi ma mia fofowo dom kpɔ, eye wotem kpɔ le, eye wokpɔ nu si mewo fe blaene.

10 Eya ta medo dziku ɔe dzidzime ma ŋu, eye megblo be,
 ‘Wofe dziwo tra mo xe sia xi,
 eye womenya nye moowo o!’

11 Eya ta le nye dziku me la, meka atam gblo be,
 ‘Womage ɔe nye dzudzɔfe la me gbede o.’ ”

12 Novinyewo, mikpo egbo be dzi si me nu vɔ le kple dzi maxɔse si trɔna le Mawu gbagbe la yome la naganɔ mia dometo adeke si o.

13 Ke mide dzi fo na mia noewo gbe sia gbe, zi ale si xeyixi li, ale be mia dometo adeke fe dzi maku atri to nu vɔ fe beble me o.

14 De mieva be miakpo gome le Kristo me, nenyɛ be mielé dzidefo si le mia si le gomédzedzea me la me ɔe asi sesie ko.

15 Abe ale si mawunya gblɔe do ŋɔɔ fifia ene be,

“Egbe ne miese efe gbe la,
 migasẽ miafe dziwo me abe ale si
 miewo le miafe aglãdzedze la me ene o.”

16 Ame kawoe nye ame siwo se nya la, eye wodze aglã? De menye woawoe nye ame siwo katã Mose kplɔ do goe tso Egipte lae oa?

17 Eye ame kawo nɔe wòdo dziku ɔo hena fe blaene sɔŋ? De menye ame siwo wo nu vɔ, eye wofe nutilã kukuwo tsi gbea dzi lae oa?

18 Eye ame kawoe Mawu ka atam na be womage ɔe yefe dzudzɔfe la me gbede o, ne menye ame siwo sɛ to lae oa?

19 Ale miékpoɛ kotɛe be womete ŋu ge ɔe dzudzɔfe la me o le wofe dzimaxɔse ta.

4

Dzudzɔ si ɲugbe wodo na Mawu fe amewo

¹ Eya ta esi efe dzudzɔmeyiyi fe ɲugbedodo gali na mí ta la, mina míakpɔ nyuie be metsi mía dometɔ aɖeke nu o.

² Elabena wogblɔ nyanyui la na mí abe ale si wogblɔe na woawo hã ene. Gake nya si wose la, meɖe vi na wo o, elabena ame siwo see la mexɔe se o.

³ Azɔ mí ame siwo xɔe se la ge ɖe dzudzɔ ma me abe ale si Mawu ɲutɔ gblɔe ene be,

“Eya ta meka atam le nye dziku me be,
womage ɖe nye dzudzɔfe la me gbeɖe o.”
Ke hã la, ewu efe ɖɔ la nu tso xexea me fe gɔmedzedzea me ke.

⁴ Elabena efo nu tso ɲkeke adrea gbe ɲu le tefe aɖe gblɔ be, “Eye le ɲkeke adrelia gbe la, Mawu dzudzɔ eɖokui tso efe ɖɔwɔnawo katã me.”

⁵ Le nya sia ke me la, egagblɔ be “Womage ɖe nye dzudzɔfe la me gbeɖe o.”

⁶ Edze fãa be ame aɖewo age ɖe dzudzɔ ma me godoo, gake ame siwo wogblɔ nyanyui la na do ɲɔ la mete ɲu ge ɖe eme o le wofe tosesẽ ta.

⁷ Eya ta Mawu gaɖo ɲkeke bubu anyi si wòyɔ be “Egbe.” Ewɔ esia le ɣeyixi geɖe megbe esi wòfo nu na David abe ale si miégblɔe va yi ene be,

“Egbe ne miese efe gbe la,
migasẽ miafe dzi me o.”

⁸ Elabena nenyɛ ɖe Yosua kplɔ wo yi dzudzɔ la mee la, anye ne Mawu magafo nu tso ɲkeke bubu aɖeke ɲu emegbe o.

⁹ Ekema dzudzɔ si woyɔna be Dzudzɔgbe dzudzɔ la li godoo na Mawu fe amewo.

¹⁰ Ame sia ame si ge ɔe Mawu fe dzudzɔ la me la dzudzɔna tso eya ɲuto fe dɔwɔwɔwo me abe ale si Mawu hã dzudzɔe ene.

¹¹ Eya ta mina míadze agbagba ɔe sia ɔe be míaɣe ɔe dzudzɔ ma me, eye be ame aɔeke magatsi mota to tomaɔomaɔo me abe ɲɔdoawo ene o.

¹² Elabena Mawu fe nya la le agbe le dɔ wɔm. Eɔana wu he nuevee ɔe sia ɔe, eƒona ɔe ame yina ɔe eme ke, hema luɔ kple gbɔgbɔ me, maa funukpefowo kple futomemiwo dome, eye wòdrɔa ɔɔnu tamesusuwo kple dzimedidiwo.

¹³ Naneke mele nuwɔwɔ blibo la me si le ɣaxla ɔe Mawu o. Woklo nu le nu sia nu dzi, eye wòle ƒefle le Mawu, ame si míaƒa na akɔntae la fe ɲkume.

Yesu, míaƒe Osɔfɔgã si fo anyigbadzitowo katã ta

¹⁴ Eya ta esi nunɔlagã, Mawu Vi Yesu le mía si, ame si yi dzifo ta la, mina míałé xɔse si me míaɛu la me ɔe asi sesie.

¹⁵ Elabena menye nunɔlagã si mate ɲu ase veve kpɛ mí le míaƒe gbɔdzɔgbɔdzɔwo me lae le mía si o, ke boɲ nunɔlagã si le mía si la, wotee kpɔ le mɔ sia mɔ nu abe míaƒo ke ene, ɔekoe nu ɔɔ mele eya ɲu o.

¹⁶ Eya ta mina míaƒe va Mawu fe amenuveve ƒiazikpui la gbɔ kple dzidefo, be wòakpɔ nublanui na mí, eye wòave mía nu akpe ɔe mía ɲu le míaƒe xaxaxiwo.

5

¹ Wotiaa nunolagã ðe sia ðe tso amegbetowo dome, eye wodea ðo asi nɛ be wòanɔ ɲɔ na yewo le mawusubɔsubɔ fe nyawo me, eye wòatsɔ nunanawo kple nu vɔ̃ ɲuti vɔsawo aɔo Mawu ɲkume.

² Nunolagã sia tea ɲu gboɔ dzi ði na nuyanya siwo le mɔ tram la esi eya ɲuto hã nye gbɔdzɔgbɔdzɔto le mɔ gedewo nu.

³ Esia tae wòle be wòasa vɔ ðe eya ɲuto fe nu vɔ̃ kple ame bubuwo fe nu vɔ̃wo ta.

⁴ Ame aɔeke metsɔa bubu sia dea eɔokui ɲuti o; ele be Mawu nayɔe abe ale si wòyɔ Aron ene.

⁵ Eya ta Kristo hã metsɔ nunolagã fe ɲutikokɔe da ðe eɔokui dzi o ke boɲ Mawu gblo nɛ be,
“Wòe nye vinye ɲutsu,
egbe mezu fofowò.”

⁶ Egagblo le tefe bubu be,
“Enye nunɔla tegbetegbe,
eye wò ðofe sɔ kple Melkizedek tɔ.”

⁷ Esi Yesu nɔ agbe le anyigba dzi la, ewo gbedododɔawo kple kukudewo kple ɲli kple aɔatsi na eya ame si si ɲusɛ le be wòadɛe tso ku me, eye wòɔo toe le efe bubu kple ɔokuibɔbɔ ta.

⁸ Togbɔ be eyae nye Mawu vi hã la, esrɔ ɔokuibɔbɔ le fukpekpe siwo me wòto,

⁹ eye esi wowɔe blibo la, eva zu ðeɔe mavɔ kpɔtsofe na ame siwo katã ɔoa toe.

¹⁰ Eye Mawu ɔoe be wòanye nunolagã abe Melkizedek ene.

Nuxɔxlɔ amewo le megbedede ɲuti

¹¹ Nya geḡewo li si wòle be míagbɔ le nu sia ɲu, gake esi mietea ɲu sea nu gome kabakaba o ta la, esesēna be míaḡe nya siawo me na mi.

¹² Le nyatefe me la, togbɔ be fifia ele be mianye nufialawo hã la, miegahiã ame aḡe kokoko be wòagagbugbɔ afia gɔmedzenuwo mi tso Mawu fe nya fe nyatefewo ɲu. Miehiã notsi, ke menye nuḡuḡu sesē o!

¹³ Ame sia ame si ganoa notsi esi wònye ḡevi ko ta la, mate ɲu ase nufiafia tso dzɔdzɔenyenye ɲuti gome o.

¹⁴ Ke nuḡuḡu sesē nye ame tsitsiwo tɔ, ame siwo to eɲudɔwɔwɔ atradii me he wo ḡokuiwo be woate ɲu ade vovototo nyui kple vɔ dome.

6

¹ Eya ta mina míaḡe asi le gɔmedzenuwo fiafia tso Kristo ɲuti ɲu, eye míaḡe zɔ ayi ḡe tsitsi ḡe edzi me. Migana míagbugbɔ gɔmedɔkpe aḡo na dzimetɔtrɔ tso nu siwo kplɔa ame yia ku me alo míagbugbɔ gɔmedɔkpe aḡo na xɔse le Mawu me,

² nufiafia tso mawutsideta ɲu, asidada ḡe ame dzi, ame kukuwo fe tsitrestiti kple ɔnudɔdrɔ mavɔ ɲuti o.

³ Esia míawɔ ne Mawu lɔ.

⁴ Ke ame siwo dze anyi la, aleke woawɔ agbugbɔ wo va dzimetɔtrɔ me? Wonye ame siwo nɔ Mawu fe kekeli me kpɔ. Woḡo dzifo fe nunana kpɔ, eye wokpɔ gome hã le Gbɔgbɔ Kɔkɔe la me,

⁵ ame siawo ḡo Mawu fe nya la fe nyonyo kple ɲusē siwo le xexe si gbɔna la me hã kpɔ.

⁶ Ke wode megbe! Be woagbugbo wo ava dzimetotro mee la nye nu sesẽ, elabena to wofe megbedede me, wogbugbo Mawu fe Vi la gale kaklãm de ati n̄uti, eye wole n̄ukpe domii le gaglãgbe.

⁷ Anyigba si noa tsi si dzana de edzi zi gedẽ, eye wòwɔa nuku nyuie na agbledela siwo n̄lɔa anyigba la xɔa yayra tso Mawu gbɔ.

⁸ Ke ne anyigba la mie n̄uwo kple an̄okawo la, meganyo na naneke o, eye n̄ɔdzi li be ele fifode te. Mlɔeba la, woato dzoe.

⁹ N̄ovi lolɔawo, togbo be m̄iele nu fom alea hã la, kakadedzi le m̄ia si be nya siawo meku de mia n̄u o. Ke bon̄ miafe dedekpɔkpɔ le ku nyuiwo tsem le miafe agbe me.

¹⁰ Mawu menye nutefemawɔla o, eya ta man̄lɔ do nyui si m̄iewo n̄e kple lolɔ si m̄iedẽ fiae be m̄iekpe de efe ame kɔkɔewo n̄u eye m̄iegale nu siawo wom̄ fifia la be gbede o.

¹¹ Enye m̄iafe didi be mia dometo de sia de nalé nu siawo wòwɔ me de asi va se de nuwuwu kple n̄kubiã, ale be miafe m̄ɔkpɔkpɔ nade blibo.

¹² M̄iedi be ame adẽke nazu kviato o, ke bon̄ ame sia ame nasrɔ ame siwo to xɔse kple dzigbɔd̄i me nyi nu si n̄ugbe wodo na wo la fe dome fe kpɔdeju.

¹³ Esi Mawu do n̄ugbe na Abraham, eye ame adẽke meli lolo wui wòayɔ aka atam o ta la, eta eya n̄uto dokui,

¹⁴ hegblo be, “Mayra wò godoo, eye mana dzidzimevi gedewo wò.”

¹⁵ Ale, esime Abraham gbɔ dzi dji blewuu la, ɲugbedodo sia va eme ne pɛpɛpɛ.

¹⁶ Ne ame aɖe be yeaka atam la, eyɔa ame bubu si fe ɲkɔ kple ɲusɛ kɔ wu eya ɲuto tɔ la ka atam lae heɖoa kpe nya si wògblo la dzi, eye wòtsia nyavipli ɖe sia ɖe nu.

¹⁷ Esi wònye be Mawu di be yeana eme nakɔ nyuie na ɲugbedodo fe domenyilawo be nu si fe ɲugbe yedo matrɔ o ta la, eka atam tso ɖo kpe efe ɲugbedodo la dzi.

¹⁸ Mawu wɔ esia, ale be to nu eve siwo metrɔna o, esiwo me Mawu mate ɲu aka avatso le gbede o la dzi, mí ame siwo si yi ɖaku ɖe mɔkpɔkpɔ si wona mí la ɲu la nakpɔ dzidefo gã aɖe.

¹⁹ Mɔkpɔkpɔ sia le mia si abe luɔɔ fe seke sesɛ si mavã akpɔ o la ene. Etea ɲu gena ɖe kɔkɔefe le xɔmetsovo la godɔ,

²⁰ afi si Yesu ame si do ɲɔɔ na mí la ge ɖo ɖe mía nu. Eya va zu nunɔlagã abe Melkizedek ene tegbee.

7

Osɔfoga Melkizedek

¹ Melkizedek sia nye Salem fia kple nunɔlagã na Mawu, Dzifovĩtɔ la. Esi Abraham trɔ tso avagbedzi, afi si wòɖu fia geɖewo dzi le gbɔna la, Melkizedek va kpee, eye wòyrae.

² Le esia megbe la, Abraham tso nu siwo katã wòtso tso avagbedzi gbɔe la fe ewolia ne. Melkizedek fe ɲkɔa gɔmee nye “Dzɔdzɔenyenye fe fia.” Eye eya kee nye Nɔtifafafia, elabena

du si me wònye fia lee nye Salem si gómee nye “N̄utifafa.”

³ Fofò kple dada mele Melkizedek si o, eye nunlɔɖi aɖeke meli tso tɔgbuiawo n̄uti o. Dzigbe alo kugbe meli n̄e o, ale efe agbe ɖeko wòle abe Mawu Vi la tɔ ene, ame si nye nunla tso mavɔ me yi ɖe mavɔ me.

⁴ Mibu ale si wònye gãe la n̄uti kpɔ. Abraham, xɔsetowo fofò gɔ̄ hã tso efe afunynuwo fe ewolia n̄e!

⁵ Azɔ la, se la bia tso Levi fe viwo ame siwo nye nunlɔlawo la si be woaxɔ nu ewolia le wofe dukɔmeviwo si, ame siwo nye wo nɔviwo, togbo be wo nɔviawo nye Abraham fe dzidzimeviwo hã.

⁶ Ke n̄utsu sia, Melkizedek, menye Levi fe dzidzimevi o, ke hã la, exɔ nu ewolia le Abraham si, eye wòyra eya ame si xɔ Mawu fe n̄ugbedodoawo

⁷ abe ale si ame sia ame nya ene la, zi geɖe la, ame si naa yayra la kɔna wua ame si yram wòle.

⁸ Ame siwo nye nunlɔlawo esi woxɔ nu ewolia la nye amegbetowo; n̄utilã kple vu si kuna. Ke hena Melkizedek ya la, wogblo le en̄uti be egale agbe.

⁹ Míate n̄u agblo le Levi, ame si xɔ nu ewolia n̄uti gɔ̄ hã be exe nu ewolia to Abraham dzi,

¹⁰ elabena esi Melkizedek do go Abraham la, Levi nɔ tɔgbuia, Abraham fe alime; womekpɔ dzii o.

Yesu le abe Melkizedek ene

¹¹ Elabena to Levi fe viwo fe nunlɔlɔdɔwɔwɔ dzi, wona se la Israelviwo. Azɔ la, nenye be

Leviviwo fe nunoladowowo de wode blibo la, magahiã be woatsɔ nunola bubu ve o, ame si nye nunola le Melkizedek fe doɔo nu, ke menye le Aron fe doɔo nu o.

¹² Elabena ne totro va nunoladuɔo nɔti la, ele be totro nava Se la ha me.

¹³ Eya ame si nu wogblo nu siawo kata le la tso to bubu me, eye ame adeke metso to ma me kpo subo abe nunola ene le vosamlekpui la ngo o,

¹⁴ elabena eme ko faa be miafe Afeto la dzo tso Yuda fe to la me, eye ku de to ma nɔti la, Mose megblo nya adeke ku de wofe nunoladuɔo nɔti o.

¹⁵ Eye nu si miegblo la, me agako de edzi wu ne nunola bubu abe Melkizedek ene va do,

¹⁶ ame si va zu nunola, menye to doɔo si wowo da di ku de efe dzotsofe nɔti o, ke bon ku de nusẽ si le agbe si mekuna o la nɔti.

¹⁷ Psalmonɔlola de nu sia fia mi kotse esi wogblo tso Kristo nɔti bena,

“Wode nye nunola le Melkizedek fe dofe nu tso mavo me yi mavo me.”

¹⁸ Wotsɔ doɔo gbato si wowo la da de aga, elabena egbodzo, eye menyo na naneke o

¹⁹ (elabena Mose fe Se la mate nu awo naneke wode blibo o), eye azo la, wohe mokpokpo yeye ve to esi dzi miãte nu ate de Mawu nu kpokplo.

²⁰ Mawu fe atamkaka kpe de esiwɔ kata nu, ke ame bubuwo ya dua nunola atamkakanamee,

²¹ ke Yesu ya du nunola to Mawu fe atamkaka me, elabena Mawu glo ne bena,

“Afeto la ka atam,

eye matrɔ efe susu o,

‘Wò la, nunɔlae nènye tegbetegbe.’ ”

²² Le atamkaka sia ta la, Yesu va zu nubabla si nyo wu sãa la fe kpedodzinu.

²³ Vovototo bubu si le nunɔla mawo kple Yesu domee nye be nunɔla mawo sɔ gbɔ, elabena woku eye womagate nu ayi wofo dɔ dzi o,

²⁴ gake Yesu ya le agbe tegbetegbe. Sedɔfe meli na eya fe nunɔladdo o.

²⁵ Eya ta nusẽ le esi be wòadɛ ame siwo va Mawu gbɔ to eya amea dzi la blibo, elabena ele agbe tegbee le nya xɔm dɛ ako na wo.

²⁶ Ekema Yesue nye nunɔlagã ma si kpɔa míafe hiahiãwo gbɔ, ame si le kɔkɔe, kpɔtsotsɔ mele enu o, ame si le dzadzɛe, ame si woɖe dɛ aga tso nu vɔ wɔlawo gbɔ, eye wokɔe dɛ dzi gbɔ dzifowo ñui.

²⁷ Mele abe nunɔlagã bubuwo ene o, elabena mehiã be wòasa vɔ gbe sia gbe, gbã dɛ eya ñuto fe nu vɔwo ta, eye evelia, dɛ ame bubuwo to ta o. Esa vɔ dɛ wofo nu vɔwo ta zi dɛka hena xeyixiawo katã, esi wòtsɔ edokui hena.

²⁸ Elabena Mose fe Se la to asi ame siwo nye gbɔdzɔgbɔdzɔtowo la dzi be woanye nunɔlagãwo, ke Mawu fe atamkaka si va dɛ se la yome la to asi Via dzi, ame si wòwo wòde blibo tegbetegbe.

8

Nubabla yeye la fe nunɔlagã

¹ Nya siwo katã míegblɔ na mi la fe tafonyae nye esi: be nunɔlagã vavã le mía si. Azɔ la, ele dzifo eye wòno anyi de bubutefe gãto kekeake,

² eyae subɔna le gbedoxɔ kple agbadɔ vavãto si le dzifo la me. Gbedoxɔ sia menye esi amegbetɔ tsɔ efe asi tui o, ke boŋ Afeto la ɲutɔe tui.

³ Esi wònye nunɔlagã de sia de fe do be wòasa vɔ, eye wòana nuwo la, ele na Kristo hã be wòana nane.

⁴ Nenyɛ de wòle anyigba dzi la, maɖu nunɔla o elabena nunɔlawo li xoxo, ame siwo tsɔa nunanawo nana le Yudatowo fe se la nu.

⁵ Nunɔla siawo subɔna le kɔkɔefe la si nye esi le dzifo la fe vɔvɔli. Esia tae, esi Mose be yeatu Agbadɔ le gbea dzi la, Mawu xlɔ nui be, “Kpɔ egbo be nãwo nu sia nu de dɔdɔ si woɖe fia wò le toa dzi la nu.”

⁶ Ke nunɔlɔdo si wode asi na Yesu la kɔ sãa wu wo to, eye abe ale si nubabla si fe avulɛla wònye la kɔ wu xoxoto sãa ene la, nenema kee woɖoe anyi de ɲugbedodo siwo nyo wu tsãtowo la dzi.

⁷ Elabena nenyɛ de naneke meglɛ le nubabla gbãto ɲu o la, anye ne wometsɔ nubabla bubu dɔlii o.

⁸ Ke Mawu ɲuto kpɔ vodada le efe dukɔ la ɲu, eye wògblo be,

“Afeto la be ɲekeke li gbɔna
esi dzi mabla nu yeye

kple Israel

kple Yuda fe afewo.

⁹ Manɔ abe nu si mebla

kple wo fofowo esi melé woɖe alɔnu,

kplo wo do goe le Egiptenyigba la ene o,

elabena womewo nutefe le nu si mebla kpli
 wo la me o,
 eya ta nye hã metro megbe de wo.
 Afeto lae gbløe.

10 Azø la esiae nye nu si mabla kple Israel fe afe
 la,
 le nkeke siwo gbøna la me. Afeto lae gbløe.
 Matsø nye sewo ade wofe susuwo me,
 eye manlo wo de wofe dziwo nu.
 Manye wofe Mawu, eye woawo hã woanye nye
 dukø.

11 Ame adeke magafia nu ehavia alo afia nu novia
 nutsu agblo be,
 ‘Dze si Afeto la’ o,
 elabena wo katã woanyam tso de viwo dzi,
 va se de tsitsiawo dzi.

12 Matsø wofe nu vødi wøwøwo ake wo,
 eye nyemagado nku wofe nu vøwo dzi o.”

13 Ke esi Mawu yø nubabla sia be “yeye” la,
 ewø gbãto wòdo xoxo, eye nu si tsi, do xoxo la
 nu ava yi kpuie.

9

Subøsubø le anyigbadzigbadø la me

1 Azø la, nubabla gbãto do doḍowo anyi na
 subøsubø, eye wotu anyigba dzi køkøefe hã.

2 Wotu Agbadø; le Agbadø la fe xø gbãto me
 la, akaḍiti, kplø kple nkumedøbolo nø anyi, eye
 woyø tefe sia be Køkøefe.

3 Wotsø xømetsovø tso xø sia mee, eye woyø
 agbadø si le xømetsovøa megbe la be, Køkøefewo
 fe Køkøefe.

⁴ Nu siwo le xɔ sia mee nye Sikavɔsamlekpu kple adaka si woyɔna be nubabladaka. Wofa sika de adaka sia nɔti kpe do. Le adaka sia me la, miakpo kpe eve siwo dzi wonlo se ewoawo do, eye sikazo si me mana le la ha le adaka la me hekpe de Aron fe atikplo si fo se la nɔti.

⁵ Nɔtikokokoe fe Kerubiwo no nubabladaka la tame, eye wokeke wofe avalawo de teƒe si wotsɔa nu vo kena le. Ke miate nu adzro nya siawo me ayi edzi fifia o.

⁶ Ne nu sia nu so gbe vo la, nunɔlawo gena de xɔ ngɔgbeto me daa edzedzi, eye wowɔa mawusubɔsubɔdo.

⁷ Ke nunɔlagã deka koe gena de xɔ emeto me, eye wɔwɔa esia zi deka ko le fe deka me. Ne eyina la, megbea utsotsɔ de asi o, vu si wɔtsɔna sãa vɔe, de eya nɔto kple dukɔ la fe nu vo siwo wowo le manyamanya me la ta.

⁸ Gbɔgbɔ Kokoe deƒe fia to esia dzi be womeklo nu le mo si yi Kokoeƒe fe Kokoeƒe la dzi haƒe o, zi ale si Agbadɔ gbãto la gale te nu ko.

⁹ Esiae nye nufiafia tso fifia fe xeyixiwo nɔti, esi le asi tom edzi be nunana kple vɔsa siwo wowɔna na Mawu la mate nu aƒe vo da le ame si le subɔsubɔ wom la fe susu me o.

¹⁰ Wonye nuɖuɖu, nunono kple nɔtikoklo fe kɔnu vovovowo ko fe nya, esiwo nye gotadze-siwo fe doɖowo, esiwo no anyi va se de esime doɖo yeyea va.

Kristo fe vu

¹¹ Esi Kristo va abe nu nyui siwo li xoxo fe nunɔlagã ene la, eto agbadɔ si lolo hede blibo wu

la me, agbado si wometsɔ asi tui o alo míagblo be menyɛ nuwɔwɔ la fe akpa adɛ o.

¹² Mege dɛ Kɔkɔɛfɛwo fe Kɔkɔɛfe la me to gbɔwo kple nyiviwo fe bu me o, ke bon ege dɛ Kɔkɔɛfɛwo fe Kɔkɔɛfe la me zi dɛka hɔɔ hena xeyixiwo katã to eya nɔto fe bu me, esia me wòto xɔ dɛdɛ mavɔ na mí.

¹³ Nenyɛ be gbɔwo kple nyitsuwo fe bu kple nyiviwo fe afi si wohlɛ dɛ ame siwo nɔti meko o la nu wɔnɛ be wofɛ nɔti kona le gotagome la,

¹⁴ ekema Kristo, ame si to Gbɔgbɔ mavɔ la me tso edokui na Mawu fɔdjidimanɔmee la fe bu aklo míafe dzitsinyawo nɔti tso nu siwo hea ku vanɛ la me wu, ale be míate nu asubɔ Mawu gbagbe la.

¹⁵ Le susu sia tae Kristo nye nubabla yeye la fe avuléla be ame siwo woyɔ la naxɔ domenyinyi mavɔ la fe nɔgbedodo. Azɔ la, eku be wòazu fexexe dɛ ame siwo wɔ nu vɔ le nubabla xoxoa te la ta.

¹⁶ Afi si wonlo domenyigbalɛ da dɛ le la, ehiã be ame si nlo agbalɛ sia naku hafi,

¹⁷ elabena wowɔa domenyigbalɛa me nyawo nɔti dɔ ne ame si nloɛ da dɛ la megava li o. Womewɔa domenyigbalɛ me nyawo nɔti dɔ ne ame si nlo agbalɛ la le agbe o.

¹⁸ Esia tae womewɔ nubabla gbãto me nyawo dzi vumanɔmee o.

¹⁹ Esi Mose dɛ gbefã se dɛ sia dɛ si le segbalɛa me na dukɔa la, etsɔ nyiviwo kple gbɔtsuwo fe bu, tsi, dɛtifufu dzĩ kple kakle, eye wòtsɔɛ hlɛ bu dɛ segbalɛ kple dukɔ la katã nɔti.

20 Tete wògblo be, “Esia nye nubabla la fe ʋu, nubabla si Mawu de se na mi be mialé ɔe asi.”

21 Nenema ke wòhlē ʋu ɔe agbado la kple nu siwo katã ɲuti do wowona le subosubo me la ɲuti.

22 Le nyatefe me la, se la bia be woako nu sia nu kloɛ ɲuti kple ʋu, eye ne womeko ʋu ɔi o la, nu vɔ tsotsɔke manɔ anyi o.

23 Eya ta ehiã kokoko be woako nu siwo nye dzifonuwo fe vovoli ɲuti kple vɔsa siawo, gake woako dzifonuawo ɲuto ɲu kple vɔsa siwo de ɲgo wu esiawo.

24 Elabena Kristo meyi ɔe kɔkɔefe si wowo kple asi la me esi nye vavato fe vovoli la me o, ke bon eyi ɔe dzifoto la ɲuto me aɸi si wodo ɔe Mawu ɲkume le azo ɔe mia tefe

25 Nenema ke meyi ɔe dzifo be wòatsɔ edokui ana zi geɔe abe ale si nunlagã la gena ɔe Kɔkɔefe fe Kɔkɔefe la fe sia fe kple ʋu si menye eya ɲuto to o la ene o.

26 Ne ele alea la, ele na Kristo be wòatsɔ edokui ana fukpekpe zi geɔe tso esime ke woɔo xexea me gome anyi, gake azo la, eva zi deka hena xeyixiwo katã le xeyixi siawo fe nuwuwu be wòade nu vɔ ɔa to edokui tsotsɔ sa vɔe me.

27 Abe ale si woɔoe na ame be wòaku zi deka, eye le esia megbe wòadze ɲgo ʋonudodrɔ ene la,

28 nenema ke wotsɔ Kristo hã sa vɔe zi deka be wòade ame gedewo fe nu vɔ ɔa, eye agava zi evelia menye be wòagava ɔe nu vɔ ɔa o ke bon be wòahɛ deɔe ve na ame siwo katã le elalam.

10

Kristo fe vɔsa ɖeka la hena ɣeyixiwo katã

¹ Se la nye nu nyui siwo gbɔna la fe vɔvɔli ko, eye menye nua nɛtɔwo o. Le susu sia ta la, vɔsa siwo wowɔna agbadree fe sia fe la mate nɛ awɔ ame siwo va subɔnɛ la blibo gbede o.

² Ne ɖe vɔsa mawo te nɛ wɔ wo blibo la, ne womedzudzo vɔsasa oa? Elabena anye ne vɔsa la ko ame siwo sanɛ la nɛti zi ɖeka hena ɣeyixiawo katã, eye wofe dzitsinyawo magabu fɔ wo le wofe nu vɔwo ta o.

³ Ke vɔsa mawo ɖoa nku nu vɔ dzi na amewo fe sia fe,

⁴ elabena mele bɔbɔe be nyitsuwo kple gbɔwo fe vu naɖe nu vɔ ɖa o.

⁵ Eya ta esi Kristo va xexea me la, egblo be:

“Mèdi vɔsa kple numemewo o,
ke boɲ nɛtilã si nèdzra ɖo ɖi nam;

⁶ eye numevɔsa kple nu vɔ vɔsawo hã medzea nɛwò o.

⁷ Tete megblo be, ‘Nyee nye esi,
wonɔlo nu tso nɛtinye le lãgbalẽ me be,
o Mawu, meva be mawo wò lolõnu.’ ”

⁸ Gbã la, egblo be, “Vɔsawo, numemewo kple numevɔsawo kple nu vɔ vɔsawo la, mèdi wo o, eye womedzea nɛwò hã o.” Togbo be se la bia be woawo wo hã.

⁹ Tete wògblo be, “Nyee nye esi, meva be mawo wò lolõnu.” Ale wòɖe se gbãto la ɖa be wòɖo evelia anyi.

10 Eye to Mawu fe lolõnuwõwõ me wowõ mí kókõe to Yesu Kristo fe ñutilã si wòtsõ sa võe hena xeyixiwo katã la me.

11 Nunõla la wõa efe võsasadõwo gbe sia gbe, eye nenema ke wòwõ võsa mawo ke edziedzi, võsa siwo mate ñu aḍe nu võ ḍa akpõ gbede o.

12 Ke esi nunõla sia ya sa võ ḍe nu võwo ta zi ḍeka hena xeyixiawo katã la eyi ḍanõ Mawu fe nuḍusime.

13 Tso xe ma xi la, ele lalam be woatsõ efe futowo awõ efe afõḍodzinui.

14 Elabena to võsa ḍeka si wòwõ me la, ewõ ame siwo ñuti kõm wõle la blibo tegbetegbe le Mawu fe ñkume.

15 Gbõgbõ Kókõe hã ḍi ḍase tso esia ñuti; gbã la egblõ be,

16 “Esia nye nu si mabla kpili wo le xeyixi ma megbe,
Yehowae gblõe.

Matsõ nye sewo ade wofe dziwo me,
eye manlõ wo ḍe wofe susuwo me.”

17 Egagblõ kpe ḍe eñu be,
“Nyemagaḍo ñku wofe nu võwo
kple nu võḍi wõwõwo dzi azõ o.”

18 Eye afi si wòtsõ nu siawo ke le la, võsasa ḍe nu võ ta megahiã o.

Yõyõ hena vevidodo nu

19 Eya ta ñovi lolõwo, esime kakaḍedzi le mía si be miage ḍe Kókõefe fe Kókõefe la to Yesu fe vu me ñuti la,

20 evu mõ yeye kple mõ gbagbe na mí to xõmetsovõ si nye efe ñutilã la me.

21 Eye esi nunolagã le mía si le Mawu fe afe nu ta la,

22 mina míate ɖe Mawu ɲu le dzi vavã me kple xɔse fe kakaɖedzi blibo la me kple dzi siwo ɲu wohlẽ vu ɖo be wòaklo mía ɲuti tso dzitsinya vɔɖiwo me, eye wòale tsi na míafe ɲutilãwo kple tsi zozrõe.

23 Mina míalé mɔkpɔkpɔ si me míevu la me ɖe asi mavamavãe, elabena ame si do ɲugbea la nye nutefewola.

24 Eye mina míabu ale si míado ɲusẽ mía nɔewo la ɲuti be woayi dzi le lolõ kple ɖo nyui wɔwɔ me.

25 Migana míagbɔdzɔ le míafe takpefewo dede me o, abe ale si ame aɖewo tsɔe ɖo ɖɔe nɔa kuvia wɔm ene o, ke boɲ mina míade dzi fo na mía nɔewo, vevieto esi mienyae be efe ɲkeke la te tu afe kpokploe.

26 Ne míebua le nu vɔ wɔwɔ dzi, esi míenya nyatefe la vɔ megbe la, vɔsasa ɖe nu vɔwo ta aɖeke megali o,

27 ke nu si ko míano mɔ kpom na le ɲɔdzi gã aɖe me lae nye vɔnudɔdrõ kple dzo bibi si ava fia Mawu fe futowo.

28 Ame sia ame si ada le Mose fe se dzi la, wofua kpee nublanuimakpɔmakpɔtɔe le ɖasedjila eve alo etõ fe nya nu.

29 Tohehe gã kae miesusu be mehedze na ame si titi afo ɖe Mawu fe Vi la dzi oa? Ame si do ɲunyɔ nubabla la fe vu si klo ɛɲuti la abe nu makɔmakɔ wònye ene, eye wòdzu amenuveve fe Gbɔgbɔ la?

30 Elabena míenya ame si gblo be, “Hlõbiabia

la tonyee, maḡo etefe ne,” egagblo hã be, “Afeto la adrõ uonu efe dukõ la.”

³¹ Enye nḡdzinu be ame aḡe nage ḡe Mawu gbagbe la fe asi me.

³² Miḡo nku nkeke siwo do nḡo la dzi esi miexõ kekeli la võ la, mienõ te sesie to viuli geḡewo me, mieto fukpekpe hã me kalētõe.

³³ Ye aḡewo xi la wodzua mi le dutofo, eye wotia mia yome, xe bubu xiwo la, mienõ te kpe ḡe ame siwo nõ xaxa mawo ke me la nḡuti.

³⁴ Miefã konyi kple ame siwo wode gaxõ me, eye esi woxõ miafe nunõamesiwo le mia si akpasesētõe la, miexõe kple dzidzõ, elabena miawo nḡutõ mienyae be nunõamesi siwo nyo sãa wu, eye womenyunyõna o la le mia si.

³⁵ Eya ta dzi megaḡe le mia fo o, elabena miafe dzidefo ahe fetu geḡe ve na mi.

³⁶ Ele be miado vevie, ale be ne miewõ Mawu fe lãlõnu la, miaxõ nu si fe nḡugbe wòdo la.

³⁷ Elabena le xeyixi kpui aḡe megbe la,
“Ame si gbõna la ava ḡo,
eye matsi megbe o.

³⁸ Ke nye dzodzõeto la anõ agbe to xõse me.
Ke ne ede megbe la,
nyemakpõ dzidzõ le enḡuti o.”

³⁹ Ke miawo ya miele abe ame siwo de megbe, eye wotsrõ la ene o, ke bon mienye ame siwo xõse, eye miékpõ ḡeḡe.

11

To xõse me

¹ Azò la, xòse nye kaka ðe nu siwo míekpò mò na la dzi kple dzidòdò ðe nu siwo míekpò o la ñu.

² To xòse mee ame siwo do ñgò la kpò ðasedìdì nyui le Mawu gbò.

³ To xòse me míese egòme be Mawu ðe gbe, eye xexea me va dzò, ale be wòwò nu si wokpòna la tso nu si womekpòna o la me.

⁴ To xòse me Abel tso vòsasa si nyo wu Kain tò la na Mawu. To xòse me wokafui be enye ame dzòdzòe esi Mawu fo nu nyui tso efe vòsa la ñu. To xòse me wògale nu fom ko, togbò be eku hã.

⁵ To xòse me wokò Enòk dzoe tso agbe sia me, ale be međò ku kpò o, ale womegakpòe o, elabena Mawu kòe dzoe. Elabena hafi woakòe dzoe la, wogblò tso enu be Mawu kpò ñudzedze le eya amea ñuti.

⁶ Xòse manómee la ame ađeke mate ñu adze Mawu ñu o, elabena ame si va Mawu gbò la ele be wòaxòe se be Mawu li eye wòdòa etefe na ame siwo dine vevie.

⁷ To xòse me esi woxlò nu Noa tso nu siwo mekpò dzò hađe o ñuti la etsò vòvò kòkòe kpa ađakavù be wòade eya kple efe fomea. To efe xòse me wòbu fo xexea me, eye wòzu dzòdzòenyenye si vana to xòse me la fe domenyla.

⁸ To xòse me esi woyò Abraham be wòayi tefe si wòava xò wòazu efe domenyinù la, eđò to, eye wòyi, togbò be menya afi si yim wòno o hã.

⁹ To xòse me ewò nòfe ðe ñugbedodonyigba la dzi, eye wòno afi ma abe amedzro si le dzronyigba dzi la ene, elabena enò avògbadòwo

me. Nenema kee nye Isak kple Yakob ame siwo hã nye ñugbedodo ma ke fe domenyilawo kplii.

¹⁰ Elabena Abraham nɔ mɔ kpɔm na du si Mawu ñuto nye egɔmedɔla, aɖaɛuwɔla kple etula.

¹¹ To xɔse me esi Abraham tsi xɔ fe geɖe hã la, ete ñu dzi Vi. Nenema kee nye sɔa Sara hã, ame si tsi ko tsã. To xɔse me Abraham zu fofo, elabena Mawu ame si do ñugbe nɛ la, bui nutefewɔlae.

¹² Ale to ame ɖeka sia dzi, ame si ñu míate ñu agblɔ le be megale ñutsu me o la, dzidzime geɖe siwo sɔ gbɔ abe ɣletiviwo le dzingɔli ñu kple futake ene la va dzɔ.

¹³ Ame siawo katã va ku esime wogalé xɔse me ɖe asi ko. Womexɔ nu siwo fe ñugbe wodo na wo la o, ɖeko wokpɔ wo, do dzaa na wo le adzɔge, eye wovu eme be amedzrowo kple mɔzɔlawo yewonye le anyigba dzi le afii.

¹⁴ Ame siwo gbɔ nya siawo togbi la ɖee fia be wole woawo ñuto fe dedu dim.

¹⁵ Nenyɛ be du si me wotso la ñuti bum wonɔ la, anye ne mɔnukpɔkpɔ anɔ wo si be woatrɔ ayi.

¹⁶ Le esia tefe la, wole du si nyo wu esi nye dzifoto la dim. Eya ta menye ñukpe na Mawu be woayɔe be woƒe Mawu o, elabena edzra du nyui aɖe ɖo ɖi na wo.

¹⁷ To xɔse me esi Mawu do Abraham kpɔ la, etsɔ via Isak be yeasa vɔe, eya ame si xɔ ñugbedodoawo la nɔ klalo be yeatsɔ Via ñutsuvi ɖeka hɔɔ la asa vɔe,

18 togbo be Mawu gblɔ nɛ be, “To Isak dzi la, dzidzimevi siwo katã fe ɲugbe wodo na wò la ava dzɔ” hã.

19 Abraham dze sii be Mawu ate ɲu afɔ ame kukuwo dɛ tsitre, eye woate ɲu agblɔe ko be exɔ Isak tso ku me.

20 To xɔse me Isak yra Yakob kple Esau, ku dɛ nu si woava nye le etsɔ me ɲuti.

21 To xɔse me Yakob yra Yosef viɲutsuwo le esime efe kuɲi dɔ, eye wòziɔ dɛ efe atitɔɖɛɲu ɲuti hesubɔ Mawu.

22 To xɔse me esime Yosef fe kuɲi dɔ la, efo nu tso Israelviwo fe gododo le Egipte ɲuti, eye wògblɔ dɔdɔ tso efe fuwo ɲuti na wo.

23 To xɔse me Mose dzilawo ɣlae ɣleti etɔ sɔɲ le edzidzi vɔ megbe, elabena wokpɔe dze sii be menye vidzĩ dzodzro aɖe koe wònye o, eya ta womevɔ na fia la fe se dzi dada o.

24 To xɔse me esi Mose va tsi la, egbe be womayo ye be Farao vinyɔnu fe viɲutsu o

25 ke boɲ elɔ be yeakpe fu kple Mawu fe amewo wu be yease nu vɔ fe vivi hena ɣeyiɣi kpui aɖe ko.

26 Ebu vlododo le “Kristo” ta nu xɔasi wu kesinɔnu siwo katã nɔ Egipte, elabena enɔ mɔ kpɔm na efe fetu gã si nɔ ɲgɔgbe.

27 To xɔse me Mose dzo le Egipte, eye mevɔ na fia la fe dziku o, ke boɲ edo vevi nu, elabena ekpɔ eya ame si womekpɔna kple ɲku o.

28 To xɔse me Mose dɔ Nɲutitotonɲekenyui kple vuhehlɛ dɛ anyi, ale be nugblɛla si wu ɲgɔgbeviwo la maka asi Israelviwo fe ɲgɔgbeviwo ɲu o.

29 To xose me Israelviwo tso Fu Dzĩ la abe anyigba fufui dzie wozo ene, gake esi Egiptetowo hã dze agbagba be yewoawo nenema la, wo katã tsi Fu Dzĩ la me.

30 To xose me Yeriko fe gliwo mu esi Israelviwo fo xlãe ñkeke adre.

31 To xose me gbolo Rahab, esi wòxo ñkutsalawo ta la, womewui kpe de tosẽlawo ñuti o.

32 De wògahiã be mayi edzia? Yeyiçi mele asinye be mafo nu le Gideon, Barak, Samson, Yefta, David, Samuel kple Nyagblođila bubuwo ñuti o,

33 ame siwo to xose me xo fiadufewo, du dzi le dzodzonyenye me, eye wofe asi su nu si fe ñugbe wodo la dzi. Ame siawo de ga nu na dzatawo,

34 tsi dzo fe adewo nu, eye wosi le yi nu, ame siwo fe gbodzogbodzozo trɔ zu nusẽ, wozu kalẽtowo le awa me, eye wođu dzronyigbadzivakowo dzi.

35 Wogbo agbe nyonu siwo fe lolõtowo ku, eye wotsɔ wo na wo agbagbe. Wowo funyafunya ame bubuwo, eye wogbe be womegana ablode yewo o, ale be tsitrestiti si nyo wu la nasu yewo si.

36 Wođu fewu le ame adewo nu, wofo dewo kple atam, ke wode ga bubuwo, eye wode wo gaxo me.

37 Wofu kpe wo, wodze wo kple laxalaxa de eve, eye wowu wo kple yi. Wonɔ yiyim le alẽgbalẽwuwo kple gbõgbalẽwuwo me le

ahedada gã ađe me. Woti wo yome, eye wosẽ ɲuta le wo ɲu,

³⁸ womeđi naneke le xexe sia me o. Wonɔ tsaglãla tsam le gbedzi, towo dzi, agadowo me kple agakpetowo me le anyigba dzi.

³⁹ Wodji ɖase nyui le ame siawo katã ɲuti le wofe xɔse ta, ke hã la, wo dometo ađeke mexo nu si fe ɲugbe wodo la o.

⁴⁰ Mawu wo ɖoɖo si nyo wu la ɖe mía ɲuti, ale be ne wowo ɖeka kpɛ mí la hafi ko woade blibo.

12

Mawu hea viawo

¹ Eya ta esi ɖasedilawo fe ha gã ađe fo xlã mí ta la, mina míaɖe moxenu ɖe sia ɖe kple nu vɔ si bla mí sesie la ɖa, eye mina míaake duɖime si woɖo ɖi na mí la kple vevidodo.

² Mina míaƙpɔ Yesu dzi, ame si nye míaƙe xɔse fe gomeɖola kple nuwula, ame si le dzidzo si le ɲɔ ne ta la, to atitsoga fe fu la me, eye mebui ɲukpee o. Ale wòyi ɖanɔ Mawu fe fiazikpui la fe nuɖusime.

³ Mibu fukpekpe gã si me wòto le nu vɔ wolawo si me ɲu, ale be miagagbɔdzɔ, eye dzi naɖe le mia fo o.

⁴ Le miafe viɔli le nu vɔ si me la, mievli va se ɖe esime miafe vu ƙɔ ɖi haɖe o.

⁵ Ke mienɔ dzidefonya si yo mi be viɲutsuwo la be. Nya lae nye be,

“Vinye ɲutsu, mègeɖo vlo Afeto la fe amehhe, eye dzi megade le fowò, ne eka mo na wò o,

⁶ elabena Afeto la ɖa ame siwo wòlɔ la ɖo,

eye wòhea to na ame sia ame si wòxo abe
Via n̄tsu ene.”

⁷ Mito fukpekpe me abe miafe hehe fe akpa aḍe ene, elabena Mawu le mia hem abe via n̄tsuwo ene, elabena vīn̄tsu kae li ame si fofoa mehea to na o?

⁸ Ame sia ame toa hehe te, eya ta ne miawo mieto hehe te o la, ekema mienye vīn̄tsuvi vavāwo o, ke bōn̄ mienye ahasiviwo.

⁹ Gawu la, anyigbadzifofowo le m̄ia si, ame siwo naa hehe m̄i, eye m̄iets̄o bubu na wo ḍe eta. Ke h̄a la, ele be m̄iab̄o m̄ia ḍokui ḍe m̄ia Fofogb̄omet̄o te xe sia xi be m̄ian̄o agbe!

¹⁰ M̄iafe anyigbadzifofowo hea to na m̄i hena x̄eyīxi kpui aḍe abe ale si w̄onyo na woe ene, gake Mawu ya hea to na m̄i hena m̄iafe nyonyo be m̄iakp̄o gome le efe k̄ok̄enyenye me.

¹¹ Tohehe aḍeke meli si vivia ame nu o, ke bōn̄ evena, ke h̄a la, emegbe la, etsea dz̄oḍz̄oenyenye kple n̄tifafa fe kuwo na ame siwo to tohehe la te.

¹² Eya ta mido n̄s̄e miafe ab̄o siwo gb̄oḍz̄o kple miafe klo beliwo.

¹³ Mita m̄o dz̄oḍz̄ewo na miafe af̄owo, ale be atatutut̄o matsi m̄o ta o, ke bōn̄ w̄oakp̄o ḍoȳoȳo.

Nux̄xl̄o amewo le nugbegbe le Mawu gb̄o n̄ti

¹⁴ Midze agbagba ḍe sia ḍe be mian̄o anyi kple amewo kat̄a le n̄tifafa me, eye mian̄o k̄ok̄e, elabena k̄ok̄enyenye man̄omee la, ame aḍeke mate n̄u akp̄o Afet̄o la o.

¹⁵ Mikp̄o egb̄o be Mawu fe amenuveve metsi ame aḍeke nu o, eye mikp̄o nyuie be gbe v̄o

adeke meto ke de mia dome esi ava zu adi vōdji anō fu dem na ame gedewo ahafo di wo o.

¹⁶ Mikpō nyuie be ame adeke mezu ahiāwōla alo anye mawumavōla abe Esau, ame si tso efe ngogbevinyenye kple enudomenyinuwo dzra de nuḍuḍu zi deka ko ta la ene o.

¹⁷ Abe ale si mienya nyuie ene la, esi wōva be yeanyi yayra sia fe dome emegbe la, wogbe enana. Mō adeke meli si dzi wōato be woatrō nu sia o, togbō be edi yayra sia kple aḍatsi hā.

¹⁸ Menye to si ḡuti womate ḡu aka asii, to si le bibim kple dzo la gbōe mieva o; mieva viviti, afudodo kple ahom gbō.

¹⁹ Menye kpē fe ḍiḍi, gbe si le nu fom, ale be ame siwo see la de kuku nē be megafo nu na yewo azō o la gbōe mieva o;

²⁰ elabena womate ḡu awō de gbe si woḍe na wo be, “Ne lā aḍe gō hā ka asi to la ḡu la, ele be woafu kpee wōaku” la dzi o.

²¹ Nukpōkpō la dzi ḡo ale gbegbe be Mose gblo be, “Mele dzodzom nyanyanya kple vōvō.”

²² Ke mieva Zion to la gbō, dzifo Yerusalem, si nye Mawu gbagbe la fe du la gbōe mieva. Mieva mawudōla akpeakpe siwo fo fu le dzidzō kpom la fe asaḍa me.

²³ Mieva ngogbevi la fe hame, ame si fe ḡko wonlō de dzifo. Mieva Mawu, ame si nye amegbetōwo katā fe vōnudrōla la gbō. Mieva ame dzodzōe siwo wowō blibo la fe gbōgbōwo gbō,

²⁴ mieva Yesu, nubabla yeye la fe avuléla la gbō kple vuhehlē di si fo nu nyuie wu Abel fe

vu la gbo.

²⁵ Mikpɔ nyuie be miagagbe toḍoḍo ame si le nu fom la o. Nenybe be womete ḡu si, esi wogbe toḍoḍo eya ame si xlõ nu wo le anyigba dzi la nu o la, aleke míaowo ya míate ḡu asii ne míegbe toḍoḍo ame si le nu xlõm mí tso dzifo?

²⁶ Le ḡe ma ḡi me la, efe gbe vuvu anyigba, gake azo la, edo ḡugbe be, “Magavuvu, menye anyigba dede ko o, ke boḡ dzifowo hã.”

²⁷ Nyakui “ga” dee fia be woade nu si woate ḡu avuvu la da, nu siwo nye nuwɔwɔwo, ale be nu siwo womate ḡu avuvu o la dede ko natsi anyi.

²⁸ Eya ta esi míele mo kpom na fiadufe si womate ḡu avuvu o la xoxo la, mina míaada akpe de eta, eye míasubɔ Mawu le mo si adze la dzi le vovõ kple dzodzo nyanyanya me,

²⁹ elabena dzo si fiaa nu lae nye míaefe Mawu la.

13

Tafonyawo kple ḡusẽdoamenyawo

¹ Minɔ mia nɔewo lolõ dzi daa abe dadaviwo ene

² Miganlo amedzrowɔwo be o; to esia wɔwo me la, ame adewo xo mawudɔlawo le manyamanya me.

³ Miḍo ḡku ame siwo wode gaxo me la dzi abe miawo hãe le gaxo me kpli wo ene. Nenema ke miḍo ḡku ame siwo wole fu wɔmii la dzi abe miawo hãe le fua kpem ene.

⁴ Ame sia ame nade bubu srõdede ḡu eye womafo di srõdeba o, elabena Mawu abu fo ahasiwɔlawo kple matrewɔlawo katã.

⁵ Mite mia ɔkuiwo ɔa xaa tso galolɔ gbo, eye nu si le mia si la nedze mia nu, elabena Mawu gblo be,

“Nyemadɛ asi le mia nu akpo o,
eye nyemagblɛ mi ɔi akpo gbedɛ o.”

⁶ Esia ta miɛgblo kple dzidefo be,

“Yehowae nye nye xɔnametɔ, nyemavɔ o.
Nu ka amegbetɔ ate nu awɔm?”

⁷ Miɔo ŋku miafe kplɔlawo dzi, ame siwo gbloa Mawu fe nya na mi. Mibu nu siwo do go tso wofe agbenɔɔ me la ŋuti ne miasrɔ wofe xɔse.

⁸ Yesu Kristo metrɔna gbedɛ o, ale si wɔnɔ etsɔ si va yi, nenema kee wɔle egbe, eye nenema kee wɔanɔ ɔaa.

⁹ Migana nufiafia trama aɔke nakplɔ miafe susuwo adzoe o. Enyo be woatsɔ amenuveve ado ŋusɛ miafe dziwo, ke menye to nuɔɔɔ tɔxɛ aɔewo fe sewo dzi wɔwɔ me o, esiwo mehea viɔe aɔke vanɛ na ame siwo ɔunɛ la o.

¹⁰ Vosamlekpui aɔe le mia si; nunɔla siwo subɔna le Agbadɔ me gɔ hã mekpɔ mɔ aɔu nu si tso vosamlekpui sia dzi o.

¹¹ Nunɔlagã la tsoa lãwo fe vu yina ɔe Kɔkɔefe fe Kɔkɔefe la abe nu vɔ ŋuti vɔsa ene, gake wotɔa dzo lãwo ŋuto le asaɔa la godo.

¹² Esia tae Yesu hã kpe fu le du la fe agbo godo be wɔakɔ efe amewo nu, awɔ wo kɔkɔe to eya ŋuto fe vu la me.

¹³ Eya ta mina miayi egbo azo le asaɔa la godo be miawo hã miadu ŋukpe si wɔtsɔ,

¹⁴ elabena du si nɔa anyi ɔaa la, mele miã si le afii o, ke miɛle mɔ kpɔm na du si lava va.

15 Eya ta mina míatsɔ kafukafuvɔsa na Mawu xe sia xi to Yesu dzi, kafukafu siwo nye kutsetse tso nuyi siwo vɔa Yesu fe ŋkɔ me la me.

16 Miganɔ nyuiwɔwɔ be o, eye miama nu kple mia nɔewo, elabena vɔsa siawo tɔgbie dzea Mawu ŋu.

17 Miɔ to miafe kplɔlawo, eye miwɔ de nu siwo wogblo na mi la dzi, elabena wole mia ta kpɔm abe ame siwo wòle be woana akɔnta Mawu tso wofe dɔwɔna ŋu ene. Miɔ to wo, ale be wofe dɔwɔwɔ nanye dzidzɔ na wo, eye mazu agba na wo o; elabena ne ele alea la, manye kpekpedeŋu aɔke na miawo hã o.

18 Mido gbe ɔa de mía ta xe sia xi. Míeka de edzi be dzitsinya nyui le mía si, eye míedina be míanɔ agbe bubutɔe xe sia xi le nu sia nu me.

19 Medi vevie be mafoe de mia nu tɔxe be miado gbe ɔa be woade asi le ŋutinye na mi kpuie.

20 Nutifafa fe Mawu la ame si to nubabla mavɔ fe vɔ la me kplɔ míafe Afetɔ Yesu Kristo Alɛkplɔlagã la do goe tso ame kukuwo dome la

21 natsɔ nu nyui sia nu nyui akpe de mia ŋuti le efe lolɔnuwɔwɔ ta, eye wɔawɔ nu si dze eɔ la le mía me to Yesu Kristo dzi, ame si ko to anye ŋutikɔkɔe tso mavɔ me yi mavɔ me. Amen.

22 Nɔvi lolɔawo, mele efom de mia nu be mialé to de nye dzidefonamenyawo ŋu, elabena agbalɛ kpui aɔe koe wònye meɔlo na mi.

²³ Medi be mana mianya be woḍe asi le mía nɔvi Timoteo ɲu. Ne eva ḍo afi sia kaba la, nye kplii míaava kpɔ mi ḍa.

²⁴ Mido gbe na miafe kplɔlawo katã kple Mawu fe ameawo katã.
Nɔvi siwo tso Italia hã do gbe na mi.

²⁵ Amenuveve nanao anyi kple mi katã.

**Biblica® Se aḍeke mebla Biblia zazã o
Agbenya La™**

**Éwé: Biblica® Se aḍeke mebla Biblia zazã o Agbenya
La™ (Bible) of Ghana**

copyright © 2020 Biblica, Inc.

Language: eʋegbe

Contributor: Biblica, Inc.

Biblica® Open Ewe Contemporary Scriptures™

Copyright © 1988, 2006, 2020 by Biblica, Inc.

“Biblica” is a trademark registered in the United States Patent and Trademark Office by Biblica, Inc. Used with permission.

All content on open.bible is made available under a Creative Commons Attribution-ShareAlike 4.0 License (<http://creativecommons.org/licenses/by-sa/4.0/>).

You are free to:

- Share — copy and redistribute the material in any medium or format
- Adapt — remix, transform, and build upon the material for any purpose, even commercially

Under the following conditions:

Attribution — You must attribute the work as follows: “Original work available for free at www.biblica.com and open.bible” Attribution statements in derivative works should not in any way suggest that we endorse you or your use of this work.

ShareAlike — If you remix, transform, or build upon the material, you must distribute your contributions under the same license as the original.

Use of trademarks: Biblica® is a trademark registered in the United States Patent and Trademark Office by Biblica, Inc. and may not be included on any derivative works. Unaltered content from open.bible must include the Biblica® trademark when distributed to others. If you alter the content in any way, you must remove the Biblica® trademark before distributing your work.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2021-11-15

PDF generated using Haiola and XeLaTeX on 25 Aug 2024 from source files dated 29 Jan 2022

357b3e5f-5b9b-5166-bad7-01aa010d5029